

## Dva Zlatna BAM za UniCredit Bank

*Finansijsko-poslovni magazin Banke u BiH* i ove godine nastavio je tradiciju dodjele prestižne nagrade *Zlatni BAM* najuspješnijim bankama u Bosni i Hercegovini.

*UniCredit Bank Mostar* dobila je dva *Zlatna BAM* za najveći ukupni kapital i za stopu prinosa na dionički kapital.

“S obzirom da *Zlatni BAM* dolazi od neovisnih stručnjaka i bankarskih eksperata, izuzetno nam je zadovoljstvo što smo ponovno među dobitnicima. Ovo renomirano priznanje nagrada je za naših 970.000 klijenata, koji nam svakodnevno ukazuju povjerenje i lojalnost, a za menadžment i za sve zaposlenike *UniCredit Bank* osvojeni *Zlatni BAM* predstavljaju veliko priznanje i pohvalu za uloženi trud”, rekao je Berislav Kutle, direktor *UniCredit Bank*. **B**



Dokaz uspješnog poslovanja

## U postupku protiv RiTE Gacko šteta 250.535,242 KM?

Ukupan iznos potencijalnih šteta po osnovu sudske sporova koji se vode protiv preduzeća Rudnik i termoelektrana Gacko, zaključeno sa 31. decemvrom 2010. godine, iznosio je 250.535.242 KM. U revizorskom izvještaju koji je sačinila revizorska kuća *Deloitte* navodi se i da je u ovaj iznos uključen i zahtjev češke kompanije ČEZ za pokretanje arbitražnog postupka protiv RiTE Gacko, *Mješovitog holdinga Elektroprivreda RS* Trebinje i Vlade RS sa odstetnim zahtjevom od 115.391.246 KM i tužbe investicionih fondova-manjinskih akcionara u iznosu od 113.629.733 KM.

Vrijednost sporova koje ovo preduzeće vodi protiv drugih osnova je 15.191.881 KM, bez potencijalnih zateznih kamata. Do završetka finansijskog izvještaja, sudska spor s investicionim fondovima-manjinskim akcionarima preduzeća, kao i arbitraža sa ČEZ nisu bili završeni. Prema ugovoru o izgradnji *Termoelektrane Gacko*, koji je naslijeden iz prethodne *Elektroprivrede BiH, Hrvatska elektroprivreda (HEP)* imala je učešće od jedne trećine u zajedničkoj investiciji.

“Kao rezultat ratnog perioda u BiH, *HEP* nije imala nikakav utjecaj na rad RiTE Gacko. Rukovodstvo preduzeća smatra da ove potencijalne obaveze trebaju biti predmet dogovora na nivou vlada dviju država. Na osnovu informacija dobijenih od preduzeća do dana izdavanja ovih finansijskih izvještaja, pregovori nisu započeti”, napominje revizorska kuća *Deloitte*. **B**

